

V.- CONTRATACIÓN DAS OBRAS E CONTRATOS COMPLEMENTARIOS

A Deputación da Coruña comprométese, unha vez recibida a cesión dos terreos, a iniciar a contratación das obras incluídas no proxecto de construción do edificio e contratos complementarios (dirección das obras, coordinación de seguridade e saúde e control de calidade), no prazo de dez días dende a concesión da correspondente licenza de obras e dispoñibilidade dos terreos e permisos.

VI.- FINANCIAMENTO

Unha vez determinado o importe do proxecto e dos contratos complementarios, a Deputación financiará ás obras servizos e equipamentos necesarios para a posta en marcha deste proxecto con cargo a fondos do PLAN DE RECUPERACIÓN, TRANSFORMACIÓN E RESILIENCIA –FINANCIADO POLA UNIÓN EUROPEA - NEXT GENERATIONEU (PRTR) ata un máximo de 5.041.000,00 €, financiando a diferenza con cargo á partida orzamentaria 0520/3345/650, prevista no orzamento da Deputación Provincial para o 2023, condicionada á existencia de crédito adecuada e suficiente.

VII.- COMISIÓN DE SEGUIMIENTO

Para coordinar as actuacións derivadas da execución e aplicación do presente protocolo constituirase unha comisión de seguimento formada por dous representantes por cada unha das institucións asinantes do presente protocolo designados polos seus respectivos presidentes.

VIII.- VIXENCIA

Este Protocolo terá vixencia de catro meses dende a data da súa sinatura ou ata a aprobación do correspondente convenio se é anterior aos catro meses.

E en proba de conformidade, asinan en exemplar duplicado o presente protocolo, no lugar e data indicados no encabezamento.

O REPRESENTANTE DA DEPUTACIÓN
PROVINCIAL DA CORUÑA

Valentín González Formoso

O REPRESENTANTE DA UNIVERSIDADE DA
CORUÑA

Julio Ernesto Abalde Alonso



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



Número 1 /2023

PROTOCOLO DE INTENCIONS ENTRE A DEPUTACIÓN PROVINCIAL DA CORUÑA E A UNIVERSIDADE DA CORUÑA PARA A CESIÓN DOS TERREOS NA CIDADE DAS TIC E ULTERIOR CONTRATACIÓN DAS OBRAS DE EXECUCIÓN DUN EDIFICIO DESTINADO A PLATÓ VIRTUAL E OUTROS SERVIZOS FINANCIADOS CON FONDOS DO PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA - NEXT GENERATIONEU (PRTR)

Na Coruña, o 13 de xaneiro de 2023

REUNIDOS

Dunha parte, D. Valentín González Formoso, Presidente da Deputación Provincial da Coruña, en representación da Deputación Provincial da Coruña.

E doutra parte D. Julio Ernesto Abalde Alonso, Reitor Magnífico da Universidade da Coruña, en representación da Universidade da Coruña.

Os comparecentes interveñen en uso das potestades que, por razón dos seus cargos, estanlles atribuídas

MANIFESTAN

1.- O día 20 de xullo de 2022, publicouse no Boletín Oficial do Estado número 173 a “Orde ETD/677/2022, do 14 de xullo, pola que se establecen as bases reguladoras para o programa de axudas no ámbito da sociedade da información para a creación dun ecosistema dixital no sector audiovisual, e procédese á súa convocatoria correspondente ao exercicio 2022, no marco do Plan de recuperación, transformación e resiliencia.”

2.- O día 21 de xullo de 2022, publicouse no BOE número 174 o “Extracto da Orde ETD/677/2022, do 14 de xullo, pola que se efectúa a convocatoria de Axudas para o ano 2022 destinadas á creación ou mellora de ecosistemas dixitais no sector audiovisual, no marco do Plan de recuperación, transformación e resiliencia.”

Esta convocatoria ten por obxecto financiar o desenvolvemento, por parte de entidades locais, de proxectos destinados a reforzar as infraestruturas do ecosistema dixital no sector audiovisual facilitando a creación, distribución e manexo da información e a tecnoloxía máis avanzada polas Peme do sector audiovisual, e apoiando a creación de espazos para a innovación dotados con tecnoloxía avanzada.

3.- Por Resolución do 29 de novembro de 2022 concedeuse á Deputación Provincial da Coruña unha subvención de 5.041.000,00 €, sobre un orzamento total de 6.746.960,00 € con obxecto da creación dun ECOSISTEMA DIXITAL NO SECTOR AUDIOVISUAL DE GALICIA (EDAGA). CORUÑA ESTUDIO INMERSIVO (CEI).

4.- O Ministerio de Defensa con data do 18 de febreiro de 2020, como titular do inmovible denominado Fábrica de Armas, situado na Coruña, cunha superficie de 127.943 m2, outorgou unha concesión demanial do citado inmovible a favor da Universidade da Coruña para que, de acordo co prego que rexe esta concesión, se destinase a situar nela, en colaboración con outras institucións públicas e privadas, un polo industrial e tecnolóxico dedicado ás tecnoloxías da información e da comunicación (en diante, Cidade das TIC). A acta de entrega formalizouse con data do 26 de febreiro de 2020.

5.- O prazo de duración da concesión é de VINTE E CINCO ANOS, prorrogables a discreción da Administración por períodos de cinco anos, ata un máximo de cincuenta anos.

6.- A Deputación Provincial da Coruña e a Universidade da Coruña consideran de gran interese que neste espazo da Cidade das TIC se sitúe un estudio virtual dentro do ECOSISTEMA DIXITAL DO SECTOR AUDIOVISUAL DE GALICIA (EDAGA) como elemento revulsivo e dinamizador do emprego, en especial dentro do sector audiovisual, máxime tendo en conta que a cidade da Coruña foi seleccionada como sede da Axencia Española de Intelixencia Artificial (AESIA) que tamén suporá un extraordinario foco de I+D+I.

Por medio do estudio virtual as empresas do sector audiovisual de Galicia e doutras comunidades poderán desenvolver cos máis sofisticados sistemas tecnolóxicos a súa creatividade e a produción de grandes películas nas mellores condicións de calidade, innovación e tecnoloxía.

Por todo o exposto, as partes:

ACORDAN

Formalizar o Protocolo de intencións conforme ás seguintes cláusulas:

I.- OBXECTO

O Protocolo ten por obxecto coordinar as actuacións entre a Deputación Provincial da Coruña e a Universidade da Coruña para o desenvolvemento do proxecto ECOSISTEMA DIGITAL DEL SECTOR AUDIOVISUAL DE GALICIA (EDAGA) que inclúe a instalación dun *plató* virtual, e a cesión de uso a Deputación Provincial da Coruña da parcela Z-2 definida no borrador do ESTUDO DE DETALLE PARA ORD. DOS VOLUMES DA CIDADE DAS TIC cunha superficie de 4.160 m2 situada na Cidade das TIC, financiado polo PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA - NEXT GENERATIONEU (PRTR)

Esta iniciativa facilitará a infraestrutura, equipamento e acceso á tecnoloxía e ferramentas dixitais que lles permitan ás empresas do sector audiovisual o desenvolvemento de proxectos innovadores con capacidade para competir a nivel internacional e consolidando tamén a Galicia como un polo audiovisual de referencia a nivel nacional. Con todo trátase de impulsar a creación dunha infraestrutura e a dotación do equipamento dixital necesario para converter a Galicia nun verdadeiro referente, que debe marcar o presente e sobre todo o futuro da competitividade do sector audiovisual galego nos mercados internacionais.

Esta actuación financiada con fondos procedentes do Instrumento Europeo de Recuperación («Next Generation EU»), con cargo ao Mecanismo de Recuperación e Resiliencia (MRR) atópase suxeita ás seguintes normas:

- O Regulamento (UE) 2021/240, do Parlamento Europeo e do Consello, do 10 de febreiro de 2021 polo que se establece un instrumento de apoio técnico
- O Regulamento (UE) 2021/241, do Parlamento Europeo e do Consello, do 12 de febreiro de 2021 polo que se establece o Mecanismo de Recuperación e Resiliencia.
- A Lei 9/2017 de 8 de novembro, de contratos do sector público, *por la que se transponen al ordenamiento jurídico español las Directivas del Parlamento Europeo y del Consejo 2014/23/UE y 2014/24/UE, de 26 de febrero de 2014*
- As especialidades en materia de contratación reguladas no Real decreto-lei 36/2020, do 30 de decembro, de carácter básico (art. 50 réxime excepcional de tramitación urxente), así como, as disposicións que, non tendo carácter básico, serán de aplicación supletoria respecto á materia que se regula.
- A Orde HFP/1030/2021, do 29 de setembro, pola que se configura o sistema de xestión do Plan de recuperación, transformación e resiliencia
- A Orde HFP/1031/2021, do 29 de setembro, pola que se establece o procedemento e formato da información para proporcionar as Entidades do Sector Público Estatal Autonómico e Local

para o seguimento do cumprimento de fitos e obxectivos e de execución orzamentaria e contable das medidas dos compoñentes do Plan de recuperación, transformación e resiliencia

- Así mesmo, está suxeita, en todo caso, ao cumprimento execución e realización dos fitos e obxectivos fixados no Plan de recuperación, transformación e resiliencia, de conformidade coa Decisión de Execución do Consello relativa á aprobación da avaliación do Plan de recuperación e resiliencia de España (Council Implementing Decisión-CID) e estará sometida á plena aplicación dos procedementos e control que se establezan para o Mecanismo de Recuperación e Resiliencia da Unión Europea e demais normativa da Unión Europea aplicable á xestión, seguimento e control que se estableza para o Plan de recuperación, transformación e resiliencia, así como, ás obrigacións específicas relativas á información e publicidade, á verificación e ás demais impostas pola normativa da Unión Europea

- O Plan xeral de prevención de riscos e de medidas anti-fraude da Deputación Provincial da Coruña (Plan PREMADECOR), aprobado polo Pleno da Deputación Provincial da Coruña en sesión do 23 de xuño de 2022, e publicado no Boletín Oficial da Provincia da Coruña número 125 do 4 de xullo de 2022 e Resolución de Presidencia número 30880/2022 de nomeamento de membros do comité antifraude da Deputación Provincial da Coruña e Resolución da Presidencia número 34223/2022, do 4 de agosto de 2022, pola que se designan o presidente e o secretario do comité anti-fraude da Deputación Provincial da Coruña (cadecor).

- Así mesmo estará suxeito ás normas de desenvolvemento que se aproben, no que resulte aplicable a este procedemento.

II.- ASPECTOS URBANÍSTICOS

A Universidade da Coruña comprométese a realizar, dentro dos trinta días seguintes á sinatura deste protocolo, os trámites para solicitar a información urbanística que acredite a viabilidade da construción na parcela indicada na parte expositiva así como a tramitar ante o Concello da Coruña o correspondente Estudo de Detalle no prazo máximo de corenta e cinco días a partir da data de sinatura deste protocolo.

III.- CESIÓN DOS TERREOS.

A Universidade da Coruña comprométese a realizar os trámites ante o Ministerio de Defensa para que o citado órgano autorice a cesión á Deputación Provincial da Coruña do uso da parcela indicada na parte expositiva dentro dos quince días seguintes dende a remisión da memoria a que se refire o apartado seguinte por parte da Deputación.

Para estes efectos, a Deputación redactará unha memoria, no prazo máximo de quince días contados dende a sinatura do presente protocolo, relativa ás condicións físicas da parcela así como dos obxectivos, fins e destino da parcela, para o desenvolvemento do proxecto de ECOSISTEMA DIXITAL DO SECTOR AUDIOVISUAL DE GALICIA (EDAGA) que inclúe a instalación dun *plató* virtual cofinanciado polo PLAN DE RECUPERACIÓN, TRANSFORMACIÓN E RESILIENCIA – FINANCIADO POLA UNIÓN EUROPEA - NEXT GENERATIONEU (PRTR) co fin da súa remisión á Universidade da Coruña.

A Universidade comprométese a tramitar a cesión de uso dos terreos por un prazo de 25 anos prorrogables expresamente por períodos de dez anos, salvo que o Ministerio de Defensa non prorrogase a concesión.

IV.- REDACCIÓN E APROBACIÓN DO PROXECTO E PERMISOS

A Deputación da Coruña iniciará a contratación da redacción do proxecto básico e de execución e aprobaraos despois da redacción do prego de prescricións técnicas e de cláusulas administrativas particulares nun prazo de dez días contados dende a aprobación da cesión de terreos e do estudo de detalle.

Así mesmo a Deputación tramitará as correspondentes autorizacións do Ministerio de Defensa para a realización das obras, e demais autorizacións que correspondan ante os organismos que proceda.